

龜

巢

藁

十



龜巢藁卷之十三

疏

三教堂修造疏

推倒人我山三教一家之意踏翻生死海十方
諸佛之心必須無風雨震凌乃可集江湖名勝
青山舊隱白馬弘規欲求木于工師須布金于
長者過我門入我室不妨分半席烟霞上我堂
踞我床相與話三生風月祝聖人壽報檀那恩

元山主造退居疏



掀翻黑漆桶舉頭見明月當空跳上白牛車拂
袖喜春風滿路毋慙急流中勇為退步怕忙閑
籃裡只管鑽頭但給孤舍祇樹之園則摩詰坐
散花之室作鉢門限透金剛圍畫圖對綠水青
山供養有清風明月應無所住作如是觀大千
搥是一禪床但要覺得些安身立命之地百丈
只有三轉語必須撞着箇點頭會意之人了是
因緣勝諸福德

梁寶寺修造疏

數百年祖師道場千龍圍繞五七件未了公案
歲月因循要令折確背花生莫謂冷灰中豆爆
有緣相遇何事不成大丈夫直下承當小比丘
向前料理試看寶剎勝昔年梁武之時當效華
封祝今上唐虞之壽無邊功德難盡贊揚

謝雨佛事疏

如悞如焚方慮亢陽之虐既優既渥乃蒙甘澤
之恩欲報效于鴻鈞敬皈依于象教伏願王某
同羽士吳鼎冠裳雖異鄉井寔同有公家賦案

之征無仙子食松之術望霓感額得雨寬心田
疇不失于農時溝塹免憂于他日感造化鬼神
之力誦如來秘密之言開法華道場設伊蒲法
供伏願百靈昭格諸佛證明而我公及我私尚
求霑足井而飲耕而食共樂豐登更冀萬邦之
咸寧永賴一人之有慶

謝恩誦法華經疏

朝廷推曠蕩之恩飢饉處稅糧全免官吏執偏
私之見施行間荆棘橫生欲徼福于百靈當投

誠于三寶事雖不遂心曷能忘切念集等欽觀
詔條可雷德澤赴想為七邑之眾奔馳歷半載
之餘公乎私乎自謂上天能鑒知者仁者皆云
不日而成雖一時遭毒歟之蛇或他日得塞翁
之馬掃除梵宇持誦真詮二十四人同演法音
六萬餘言重宣妙義設香花燈燭之供奉天龍
鬼神之靈上答聖恩下祈民福一人有慶四海
攸同大臣以道事君罔敢拂繇綸之命庶人名
役則往將來免粟米之征時和歲豐天長地久

誦法華經疏

作善降祥上古之書垂訓供佛有福法華之語
流傳欲報德于百靈用投誠于三寶伏念某戶
門孤立租賦交征為公為私寧無過咎有財有
用幸遂經營居之安而資之汲災不生而禍不
作荷天錫福靡日忘恩擇三五之良辰祀大千
之諸佛肅陳清供敬誦真詮伏願慧日照臨神
天感格吾老及人老家無凍餒之憂新年勝
舊年日有平安之喜

作佛事謝聖恩蠲租疏

官賦半蠲欽奉九重之詔聖恩難報皈依三寶
之尊敬熟清薰俯陳丹悃伏念草茅雖賤稼穡
維艱幸蒙曠蕩之恩又獲豐登之歲倉箱頃滿
饘粥可供盡力催科喜輸官之易畢中心報効
感聖代之難逢仰祝皇圖虔修佛事伏願一人
有慶萬壽無疆乃聖乃神乃武乃文聖德合乾
坤之大自西自東自南自北清光瞻日月之明
結社畫淨土疏

嘗觀釋迦世尊說西方淨土教人念佛真方便第一義也今欲按阿彌陀無量壽二經命畫工寫刻極樂境界仍遠法師會一百二十三人結為蓮社瞻依寶地修行淨業凡我同盟作成幸甚

西方過有十萬億國有極樂世界九品化生東林社百廿三人與園悟祖師六時行道茲欲精修淨業亦須遠效前賢想像莊嚴瞻依寶地非助我者孰能為之孔方兄肯為結緣吳道子便

教着筆有色無色有相無相看諸佛之本來面目如何先覺後覺先知後知見一頭之涅槃妙心方可頂門具眼言下點頭

海印庵起山門疏

遍大千界未嘗無見性成佛之人入不二門方得箇安身立命之地希升堂必開戶牖為巨室必使工師敢告諸賢用求多助老身作鉄門限儘教雲水往來世尊放玉毫光轉見山林輝赫大開方便是名莊嚴

請誌寶長老掩壙疏

為馬巖封痛念慈親之歿作獅子吼願聞開士
之言陟彼岵兮窈有請也恭惟某諱室說有窮
深極微恭透禪机面少室山中之壁得來佛法
傳黃梅嶺上之衣五蘊皆空一絲不挂哀我無
恃幸爾有緣願師乘出岫之雲為我送落山之
月覆將香合子超昇在一語之間作箇土饅頭
安穩于九泉之下勿孤申請願候降臨

待雲菴雕觀音疏

念彼觀音本自尋聲救苦如是信解何妨粧假
成真看良工刻劃之奇即菩薩化身之妙大檀
越以七寶布施紫竹林現五色毫光龍女獻珠
鸚鵡聽法瞿曇老千百億化亦須現光明之中
善財子五十三叅管取在皈依之列其為福德
難盡贊揚

請蔣居士造諫壁橋疏

編竹渡蟻陰德猶多乘輿濟人傳名不朽況此
河梁建造乘之佛閣莊嚴必須有力量人了此

大因果事集人荆溪秀氣竹筵遺風江水吸乾
無一老點頭印可涅槃鑽透不二門信手掣開
尚古人淳朴之風絕時俗浮華之態積而能散
綽然有餘人皆仰之竊有請也瞻茲諫壁寔乃
要途爛月一舷每橫舟于野水垂虹千丈欲砥
柱于中流惟其成此飛梁悅此免令病涉練挿
天鯨跨海兩邊鎖三百闌干簾捲雨棟飛雲就
上搆七重樓閣如斯福德難盡贊揚
請蔣月堂建奔牛橋疏

古堰橫奔牛漫有前賢之句過橋乘駟馬方無
病涉之憂必得其人庶成乃事某人為善最樂
見義必為廣造輿梁不特濟人于溱洧多修塔
廟尤能事佛于祇園聚福海由歷劫之修登彼
岸乃平生之願難兄難弟均懷編竹渡塏之仁
賢子賢孫綽有跨灶過父之美鄉里稱善湖海
知名睠此官河寔為孔道當一市人烟輳集聚
四方車騎往來每遇斷橋如隔弱水不有填河
之鵲又無跨海之鯨欲得安行必須改作甃鱗

鱗之萬覽護曲、之回欄車流水馬游龍聽揚
名于道上月出雲虹飲澗看橫影于波間慷慨
承當咄嗟可辦

置供佛花板疏

獻花發善智之心因緣不昧刻楮用宋人之手
工巧難成必須上根器人會此好因果事胸中
開發筆底化生非莊嚴是名莊嚴此福德勝前
福德看他枝葉似優鉢曇佛土之養為我芟芻
作阿羅漢人天之供

天惠寺請愚隱長老開山疏

闔閭城萬灶號咻多依佛剎給孤園七寶樓閣
大闡禪關誰其尸之曰有人矣某某机鋒不露
道價弥高若王侯將相徃、歸心而淮海魚龍
時、聽法慈悲願重救羣生于刀鋸斧鉞之間
常寂光明悟真室于文字言語之外逢場作戲
到處為家必須豎硬鉄脊梁庶不負布金心地
久矣暗中摸索宜乎直下承當三千年河水重
清唱開元太平之曲二六時天花亂雨入如來